

## 校園內我上俗意的所在

阮的學校真大，有冊濟甲看袂完的圖書館，有五彩的彩虹走道，閣有予逐家呵咭甲觸舌的五粒星便所。校園內我上俗意的所在，就是這五粒星便所。自我入內校園，就愛著便所，逐工一定愛去拜訪伊。升起去四年級，輪著阮班搨掃便所，我無躊躇擲手自願，就按呢，我成做搨掃便所的小天使。

莫叫是搨掃便所真簡單，除了愛鑢馬桶、倒糞埤、搨塗跤、拭洗手臺以外，尿斗的清潔嘛袂使清彩，只要鼻著一屑仔臭尿簽味，就愛斟酌揣出臭味的來源，共伊徹底搨予清氣。而且，逐工早起、中晝俗欲暗仔，攞愛閣去共便所巡巡看看咧，檢采有尿抑是尿沐著馬桶外口，愛隨共伊拭予清氣。

除了搨清氣，猶閣有一个你一定想袂到的，就是共便所妝予嬌嬌。為著欲予冷清清的便所，看起來閣較溫馨 (un-hiong)，我步數盡展，想著一个好辦法：「用清氣的玻璃斫仔，共一蕨黃金葛插入去，囡佇水槽頂。」本底無性命力的便所，一目矚仔變甲活跳跳。

雖罔掃便所愛忍受臭味，毋過我食苦當做咧食補，因為會當共校園內我上俗意的所在，妝挺做五粒星的水準，毋但會當服務濟濟人用便所的需要，嘛會當予我誠大的成就感，向望逐家嘛也當愛著這個校園特別的所在。